



PREDMET: Pojašnjenje tenderske dokumentacije

U sjedištu Ugovornog tijela dana 19.05.2026. g. pod brojem protokola JN-OP-887-32/2025, zapremljen je Zahtjev za pojašnjenje tenderske dokumentacije broj: JN-OP-887-7/2025 u postupku javne nabave „Nabavka sanacije DV 2x110 kV HE Jablanica – Mostar 1 / Mostar 2“, dostavljen od strane privrednog subjekta ELEKTRO MERKUR d.o.o. Rijeka (RH), u kojem se traže sljedeća pojašnjenja:

1.

Na strani 63/172, u tački 3.5.3, propisano je da se provodnici isporučuju na drvenim ili metalnim bubnjevima. Istovremeno je propisano i sljedeće:

„Način pakovanja užadi mora osigurati mogućnost ugradnje bez premotavanja užeta na nove bubnjeve u slučaju skladištenja na otvorenom prostoru bez posebnih mjera zaštite u trajanju od minimalno 36 mjeseci.“

S tim u vezi, smatramo da navedeni zahtjevi nisu međusobno usklađeni kada su u pitanju drveni bubnjevi.

Naime, u praksi ne postoje drveni bubnjevi koji mogu pouzdano osigurati skladištenje provodnika na otvorenom prostoru u trajanju od minimalno 36 mjeseci sa ili bez posebnih mjera zaštite, bez rizika od degradacije bubnja uslijed atmosferskih uticaja (vlaga, UV zračenje, temperaturne promjene i sl.).

Posebno je problematično zahtijevati:

- dugotrajno skladištenje na otvorenom prostoru,
- bez posebnih mjera zaštite,
- te mogućnost direktne ugradnje bez premotavanja, ukoliko su provodnici namotani na drvene bubnjeve.

Iz navedenog razloga molimo Vas da korigujete predmetni zahtjev na način da se:

- kao prihvatljivo rješenje propišu isključivo metalni bubnjevi,

Na taj način bi zahtjevi tenderske dokumentacije bili tehnički realni i međusobno usklađeni.

ODGOVOR:

Ugovorno tijelo u zakonski ostavljenom roku, sukladno članku 56. stavak (2) ZJN (Službeni gl. BiH br. 39/14, 59/22 i 50/24) daje odgovor sa pojašnjenjem kako slijedi:

1. S obzirom na to da za isporučenu opremu do ugradnje odgovara Izvođač, te da je propisan garantni rok u trajanju od 36 mjeseci u kojem Izvođač također odgovara za isporučenu opremu, uključujući i

bubnjeve na kojima su pakovana užad, za Ugovorni organ je prihvatljivo da užad budu isporučena i na drvenim bubnjevima i na metalnim bubnjevima. Izvođač je dužan da obezbijedi da skladištenje bubnjeva sa užadima bude u skladu sa preporukama proizvođača, odnosno da bude takvo da se obezbijedi ispravnost užeta u trajanju od minimalno 36 mjeseci od isporuke kako bi se obezbijedila ispravnost istog i njegova propisna ugradnja. Izvršene su izmjene poglavlja tehničke specifikacije koje se odnosi na skladištenje HTLS užadi iz kojeg su izbačeni zahtjevi da se skladištenje vrši bez posebnih mjera zaštite i bez prèmotavanja užadi na nove bubnjeve prije ugradnje.

Zbog većeg broja izmjena Ugovorni organ će objaviti izmjenu Priloga 8. tenderske dokumentacije.

S poštovanjem,

Predsjednik povjerenstva
za JN-OP-887/2025


